



Universitätsbibliothek Paderborn

**Antonii Mariae Gratiani A Burgo S. Sepulchri Episcopi
Amerini De Vita Joannis Francisci Commendoni Cardinalis
Libri Quatuor**

Graziani, Antonio Maria

Parisiis, 1669

Cap. VIII. De dissensione inter Episcopos, & quorumdam consiliis à
Commendono repudiatis.

urn:nbn:de:hbz:466:1-9616

De dissensione inter se Episcoporum in Polonia, & quorumdam consiliis à Comendono repudiatis.

CAPUT VIII.

APUD Catholicos nihil acre, nihil vehe-
mens, nihil quo stare, atque niti firmè con-
sillum posset, cernebatur. Segnes, & cui vni fi-
dere videbantur, causæ indormientes agebant,
& malis haud aliunde majus, quam ex bonorum
mœrore incitamentum. Episcopi, quorum ^{summa} sem-
per in Senatu, & in Republica auctoritas fuit,
quique conjunctis viribus, animisque facile non
restitissent modò adversariorum conatibus, sed
etiam in officio manere eos, & parere legibus
coëgissent, tantâ dissipati, ac dissipati discordiâ,
in tot scissi studia, tantisque in occulto odiis, mu-
tuaque invidiâ dissidebant, ut nemo eorum non
reliquis omnibus infensus, invisusque esset. Ita
nihil ab his in medium consulebatur, adversa-
riorum amicitiis, gratiæque servientes, suæ quis-
que privatim rei studebat. Jus, ac Respublica in
medio jacebat. Duo erant eorum, & ordinis sui,
& Senatus totius loco, & auctoritate facilè prin-
cipes, Jacobus Ucangius Archiepiscopus Gnes-
gnensis, & Philippus Padnevius Episcopus Craco-
viensis, ille honore, hic divitiis, & opinione in-

genii præstabat. Inter hos præcipue , nec obscuræ similitates cùm essent , disparē animis , consiliisque , par cupiditas miscendi , ac turbandi res sollicitabat. Ucangio inhæserant novæ opinione s , quibus inquietabatur animus suâ sponte varius , inconstans , & novis usque studens rebus , ut si perturbatâ Republicâ innecta nuper disciplina , religioque prævaluisset , exclusâ Romani Pontificis auctoritate , summum se Antistitem , ac Principem sacrorum in Polonia fore , ad summâsque opes peruenturum , ut suæ quisque cupiditati blanditur , sibi persuaserat : neque ex hæreticis deerant , qui assentando spei illius alimenta subjicerent. Apud Commendonum is priscæ religionis studium simulans , deplorabat perditas Catholicon res , dissidia Episcoporum , cæterorum languentes animos incusabat , Regemque deditum adversariis omnia illis indulgere querebatur. Hunc inde coercendum minis , ac denuntiationibus terrendum esse disserebat. Catholicos infenos ei esse omnes ob crebras in Magistratibus , publicisque muneribus repulsas , & favorem in adversarios ; nec eorum defutura studia , si se ipse Romani Pontificis nomen , auctoritatēque præferens , Ducem præbuisset , ac Regem ipsum ingenio timidum , atque audenti opportunum , metu subactum , sibi obnoxium fecisset , scilicet his consiliis averti Augustum à Pontifice , tradique hæreticis , atque ita suas procedere rationes , cogitatāque cupiebat. Padnevius quoque idem de

P iiij

Rege terrendo , quamquam diverso animo sua-
debat. Neuter publico bono, sed suæ quisque rei
tendentes , privata consilia habebant , ad ea a-
ptam sibi facere Rempublicam cupiebant. Hic
auctoritate , & gratiâ Regis tantus paulò antè
fuerat , vt omnia arbitrio suo subjecta haberet.
Eâ non deciderat solùm, sed vt plerumque acrius
ex magna benevolentia exurgit odium , invisus ,
suspectúsque irâ , atque invidiâ æstuans agebat.
Et superbus , atque indomitus animus , & domi-
nari assuetus, eminentibúsque inter cæteros , opi-
bus subnixus quiescere non poterat. Regem sibi
magno aliquo periculo , metuque implicandum
callidè rebatur , tum aut necessitatibus compul-
sum vltro ad se venturum , aut locum sibi ad vl-
tionem ex eo aliquem futurum sperans. Eum igi-
tur accusans apud Commendonum magnis crimi-
nibus vt reum agebat, nihil leniter agendo pro-
fecturum , opponendas formidines , intentandas
minas , denunciandum periculum esse. His infir-
mum , & fractum animum , & ex conscientia om-
nia timentem in fide , atque Pontificis Maximi
futurum. Nihil fallebant hæc consilia Commen-
donum , qui & ipse per se satis vtriusque ingenia
tractando perspicerat , & percunctionibus , qui-
bus primum semper tribuere tempus consuevit ,
aperta & explorata omnia habebat. Itaque longè
aliâ , quâm quâ ipsi voluissent viâ ingressus , Re-
gem non asperandum minis , quæ nisi prompta
vis ad cogendum adsit , plerumque vanæ evadunt,

aut in intempestivè feroceſ recidunt: ſed crebris
 orationibus hinc conſirmabat adverſus metuſ
 quoſdam, qui ei à falſis, callidiſque hominibus
 oſtentabantur; hinc monebat, ne ipſe ſe, Re-
 gnūmque in id diſcrimen vltro conſiceret, quod
 connivendo, atque indulgendo, vitare poſſe con-
 fideret. Quippe ſic quidem contrahi, majoraque
 in dies incrementa capere id malum, conſtare.
 Quid hac temerariā licentiā decedendi à fide, "
 quam maiores noſtri de diuinis rebus habuēre, "
 fieri aliud, quam jus, morem, leges publicas "
 ſperni, infringi, ſubverti? Regni fundamenta "
 ſubrui, ac labefactari? Adimi Regibus vires, ac "
 tradi multitudini, & ſeditioſiſſimo, ac audaciſſi- "
 mo cuique adjungi? Eo ipſo, quod ille ſaþe que- "
 reretur eſſe quoſdam, quorum apud nobilitatem "
 auctoritas valeat, vt illi plus privatim, quam Se- "
 natus, ac pene quam ipſe Rex polleant: pro "
 pterea quod iis multitudiſ fidat, eorūmque oratio- "
 ni aſſentiaſt, admoneri eum, & ad cogitatio- "
 nem rerum ſuarum converti debere, nec vlt̄rā pa- "
 ti invaleſcere eorum audaciam, qui excuſa om- "
 ni legum reverentiā ex libidine ſua omnia agant, "
 cœtus cogant, Concilia habeant, concionibus "
 ſeditioſiſ homines à vero Dei cultu ad peregrinas "
 ceremonias, & pernicioſos errores avertant; qui "
 denique ſibi tantos ſpiritus, tantam arrogantiam "
 ſumpſere, vt pene jam nec ferri, nec corrigi po- "
 ſe videbantur. Ad hoc Dei quoque metum inji- "
 ciebant, eum numinis ſui vindicem, vltorēm- "

injiciebat

” que , seu neglectæ , seu pollutæ religionis futu-
” rum , tantóque graviores pœnas ab iis repetitu-
” rum , qui veluti in custodia locati legum , ac pu-
” blicorum sacrorum sunt , quanto eos celsiores
” inter mortales honore , imperioque præstare , ac
” præfulgere voluit ; nam in minuenda , violandâ
” que divinarum ceremoniarum disciplina , Deique
” opinione , aut jussis p̄vertendis , qui alios , cùm
” possint , ab impio ausu non coërcent , exitiosius
” peccare , quâm illos ipsos , qui alienâ fraude in-
” ducti , mentis errore labuntur . Excitabat præter-
” ea illum parentis sui summi viri , ac Regis in il-
” la propulsanda peste diligentia , ac pietate ; in-
” terdum vicinæ Germaniæ , & tum maximè fla-
” grantis Galliæ ruinas , cladésque memorans , vt ex
” alienis malis vtilia sibi exempla caperet , hortaba-
” tur . Episcoporum verò gratiæ reconciliandæ ma-
” gno studio , curâque intendit , rei cùm spissæ spon-
” te suâ , nodisque inextricabilibus plenæ , tum eo
” difficiliori , quòd palam amicitia , & benevolen-
” tia simulabantur , odium , & obtrectatio in occul-
” to erant . Ipse & singulos monendo , rogando ,
” obtestandóque castigavit , & omnes in vnum coa-
” ctos multis sâpe , & gravibus verbis , est adhor-
” tatus , vt communem causam communibus con-
” siliis agerent , neu se , neu dignitatem suam per-
” tinaci discordiâ proderent , ad eámque evertendam , gradum , aditumque hæreticis ipsi facerent .
” Si consentientibus studiis , animisque amplexi
” Rempublicam fuerint , non magno negotio vul-
” nera

nera Ecclesiæ in eo Regno à paucis hominibus “
imposita sanari , & legibus , quas majores eorum “
ad sanciendam Ecclesiastici ordinis majestatem , “
firmandámque religionis fidem piè , sapientérque “
condiderunt , vim suam reddi , & aut falsa animi “
opinione deceptos revocari , aut nimia ambitio- “
ne , & cupiditate provectiones cohiberi , & sub le- “
gum jura compelli ab iis posse : Sed quo majores “
in Republica opes eorum , quo honor , dignitás- “
que præstantior esset , eo promptius privatas si- “
multates pro publica salute deponere , & patriæ , “
& religioni , quæ tam ab dissidio eorum , quām “
ab alieno scelere gravius laboraret , remittere de- “
bere. Id ab iis fidem , id munus , atque officium “
ipsorum postulare , id Regem , id Senatum velle , “
id omnes bonos flagitare. Quem quidem Regem “
ne quidquam ab singulis , aut incusari , aut appel- “
lari , si vñiversi disjuncti , dissipatique fese ab ad- “
versariis obterendos , atque subigendos vltro tra- “
derent , qui vt intenti , vt vigilantes videantur , “
semno , ac socordiâ Catholicorum fieri , & auda- “
ciâ , & consensu eos , non viribus terribiles esse. “
Hujus generis orationibus sicut planè mederi im-
butis pravâ æmulatione , atque invidiâ animis
non potuit , ita est assecutus , vt alios adjungeret
sibi , alios verecundiâ obstrictos contineret , æ-
quiorib[us]que & erectioribus ad omnia vteretur.
Per hæc , taliaque cùm magnam sibi fidem , at-
que existimationem apud Regem , apud omnes
fecisset , multa salubria in Republica hortatu , at-

Q

que consilio ejus acta , multa , quæ evertendæ
pietati fuissent , rejecta sunt. Cùm tributum Rex
decerni sibi extraordinariæ magnæ pecuniæ in
sumptus belli , quo tum à Moscis , trans Boristhe-
nem carpebatur , vehementer cuperet , hæretici
per factiosos , ac populares homines rem impe-
diebant. Id callidè molientes , vt inde concessi
tributi mercedem decretum abrogandis , aut in-
firmandis legibus , quæ contra nova invehentes
sacra , aut de veteribus quidquam mutantes
sunt , auferrent. Etenim hoc vno telo multis in
locis petita , gravissimèque vulnerata religio est.
Nam capti , percitique pravis erroribus popu-
lis jus , quibus velint ceremoniis res divinas pro-
curandi , ac de Deo , vt cuique visum sentien-
di , loquendique à Regibus pretio mercati sunt.
Et Reges ipsi proditam religionem à cultu , &
pierate abductam ad præmium , & quæstum trans-
tulere. Nil ergo mirum , si tempestate nostrâ sæ-
pe evenisse videmus , vt & populi irato , & maje-
statis suæ violatores vlciscente numine , omnibus
discordiarum , ac bellorum cladibus affecti sint ,
& Reges , quam semel multitudini licentiam pec-
candi in Deum , & in majorum instituta , empti ,
ac deliniti pretio laxavere , ad eam ne adversus
se quidem ipsos cohibendam potentes inde fue-
rint : justamque illis ea in pœnam verterit , vt in-
testinis seditiōibus , suorūmque factionibus ve-
xati , vno tempore , & imperii vim amiserint , &
exhausti sumptibus inopes , atque egentes , usque

obsequi vulgi studiis, & turbulentissimi, & audacissimi cujusque libidini obnoxii agere cogantur. Id tum ne fieret vna obstat vigilancia Commendoni, atque industria, quâ factum est, ut & Rex pecuniæ collationem, quam voluit, sit consecutus, & animadversa fraude, ac malitiâ hæreticorum, etiam in posterum intentiores ad caverendum, & Rex ipse, & Catholicorum Principes fuerint.

De Bernardino Ochino, hæreticisque aliis per eum à Polonia pulsis.

CAPUT IX.

PATEBAT eo tempore Polonia non civium modò, sed exterorum quoque licentiæ, quorum erat omnium mira impunitas. Quicumque aut ob noxam, malumque in religione sensum, patriâ pulsus, aut ne sub legibus viveret sponte profugus, in Polonię se veluti in asylum conferebat. Ibi nemini deerat ex nobiliū numero aliquis, qui in fidem receptos tegeret, foveretque, alii insitâ vanitate ingeniis, alii rerum ipsarum novitate illiciebantur. Ex Germania, Gallia, Italia corruptores aderant, ac prohibente nemine, & inanissimo quoque dictis applaudente, sua quisque somnia venditans, cœtus æmulantium studia profligatae doctrinæ habebant, & li-

Q ij